

VINDICIÆ

THEOLOGICÆ

Iberopoliticæ ad Catholicum
Regem Hispaniarum, &c.

PHILIPPVM IV.

Bibliotheca S. Marci Transpontina


CONTRA PSEVDOTHEO-

logi Admonitoris calumnias.

~~Ex Libris S. Marci Transpontina~~



M. DC. XXVI.





VINDICIÆ

THEOLOGICÆ

Iberopoliticæ ad Catholicum

Regem Hispaniarum &c.

PHILIPPVM IV.

*Contra. Pseudotheologi admonitoris
calumnias.*



Rodijt nuper in lucē,
immo è Cimmerio-
rum tenebris erupit (ô
Rex Catholice) Gallus
impostor quidam qui
dum apud Regē Chri-
stianum admonitoris officio defungi-
tur, Catholicæ majestatis tuæ grauis ad-
modum & contumeliosus extitit accu-
sator. Admonet quippe illum vir se-
rius vt ab antiquis & patrijs discedat fœ-
deribus cum Turcarum Imperatore

videlicet, cum Regibus Anglo & Da-
no, cum republica Venetorum, cum
Sabaudis, Hollādis, Transilvano, Pa-
latino, Hefio & alijs Germaniæ proceri-
bus. Tum verò vt abhinc centum plus-
quam annis confœderatos sibi Grifios
deferat, illos opprimi & terris suis si-
nat exui & dominio spoliari: hoc ni fa-
ciat imminere sibi & regnis diuinam vl-
tionem, & à Dei in terris vicario ful-
mina caput eius diris & furijs infernali-
bus deuotura, & horrendas à veris om-
nibus Catholicis imprecationes & ſup-
plicia. Cur tandem! quoniam, inquit,
omnes isti aut infideles aut heretici qui-
buscum rem habere, aut fœdera inire,
aut velut socijs ſuppetias ferre, aut ſo-
cia arma jungere, immane eſt ſcelus, &
execrandum facinus, ac poenis omni-
bus expiandum, clamante Propheta
Eliezer ad Ioſaphat, *Quia habuisti ſe-
dus cum Ochoz, percussit Dominus opera tua,
contriteque sunt naues, nec potuerunt ire in
Tharſis.* Et eidem Regi comminante Ie-
ihu filio Hanani, *Impio præbes auxilium &
his qui oderunt Dominum amicitia iunge-
ris, & idcirco iram quidem Domini mereba-*

ris. Non agnoscis fraudem, ô Rex, non in herba latitantem anguem vitæ tuæ insidiantem ! non vides hoc fulmine caput tuum peti, in te tuosque hanc fabam cudi ? hæc tuorum Theologorum doctrina est ista sententia quam Gallus ille nequam, latro trifurcifer impugnat aut impugnare se simulat. Illud in Rege Christianissimo condemnat, quod maiores tui Reges Catholicissimi, nec non prudentissimi summo studio coluerunt, vt fas & sanctum semper habuerunt, & pro temporum & rerum opportunitatibus sæpius vsurparunt. Immo quod Iberopolitica tuorum Theologia calculo suo & suffragio comprobauit fœdera cum infidelibus Christianis principibus honesta & licita. Et quod minùs ferendum est Franco tribuit plagiaris iste quod Iberum est & Hispanum, vel si mauis Gotthicum & Aùstriacum, priuatas causas pietatis agere obtentu & cupiditatum suarum religionem habere pedissequam. Tolle cum veteribus Mauris amicitias, nupera cum Mahumetanis & idololatriis fœdera, Luteranorum & Cofaccorum,

hoc est barbarorum & efferatorum
 hominum auxilia, Christianis vicinis,
 amicis, affinibus pietatis obtentu a-
 dempta regna, possessiones, terras; res
 tua, ô Rex, tibi verè ad rastros redit. Nu-
 gatur ille pseudotheologus admonitor,
 immo blasphemator, & in maiestatem tuam
 iniurius est & atrox; & quo petit telo
 Francum, eo te, ô Rex Catholice, confo-
 dit. Foedus est, calumniator exclamat,
 Christianissimo regi cum Turca, tibi, ô
 Rex Catholice cum Persa, Calecutique
 & Indiarum Orientalium Regibus Ma-
 humetanis omnibus, aut Paganis & ido-
 lolatris, & dæmonum usque ad super-
 stitionem cultoribus: quinetiam ad por-
 tam magni illius Christiani nominis ho-
 stis & Turcarum tyranni negociatores
 tuos Monachum unum, Iudæum alte-
 rum excubare, Satrapas eius ingentibus
 donis tentare, ministros muneribus
 corrumpere, ut te aliquando ad eius
 amicitiam admittant & societatem, lippis
 & tonsoribus Constantinopolitanis ita
 notum est ut nemo iam possit ambigere.
 Vetus quæ cum Palatina domo & Fran-
 corum Regibus intercessit amicitia &

societas Ludouico nunc Iusto, sed aliquando iustiori futuro, cum res cuique suas habere iusserit & fecerit, crimini ab admonitore datur, quia nunc errorum Caluini sectatrix & Augustanae confessionis ministros Lutheranos videlicet vehementer afflixit. Tu Rex Catholice non ita veterem cum domo Saxonica belli & armorum societatem foues, quae Lutherum aluit, fouit, protexit, & prouexit illud Monstrum, horrendum, in forme, ingens, cui lumen hoc ademptum foret, Saxiam dico, si atavus tuus Carolus V. Imperator prudentissimus & fortissimus tam religioni quam suae utilitati & ambitioni consultum esse voluisset. Ille Caluinistam, tu Lutheranum protegis; ambo fontes si Christiano vel Catholico Principi nulla cum hæreticis societas esse potest. Hællum fouet ille, tu Damerstati Lantgrauium: quorum ille Caluini, iste Luteri opiniones sectatur, quonam religionis Catholicæ maiori bono? Quod Imperator agnatus tuus Hesso Caluinistæ abstulit, Magdeburgum dico, germanis Hessiis Lutheranis restituit, qui in ea vrbe

Lutheranissimum prædicant ; vbi prius Calvinismus personabat ; quodnam inde Catholicis lucrum ? Cum Anglo rege Francus affinitate sese deuinxit, sororem suam ei collocando ; tu tuam prior eidem iungere volueras, & hoc insectum postquam id effecit Gallus, doles. Tu mente & voluntate prius peccaueras, si in facto crimen est, nec te peccati poenitet, quamdiu id non à te factum dolebis. Auus tuus Philippus II. Rex sapientissimus Angli nunc Regis patrem enixè coluerat, quem Martyrum imbutum sanguine calumniator asseuerat ; eius ad regnum aduentui & inaugurationi amplissima legatione congratulatus est, qua defunctus est Magnus Castellæ Stabuli Comes, quem cum Rex ipse priuato habitu & cultu domū inuississet, occurrens ille non vt Catholici Regis legatus hereticum, sed vt alter Euangelicus Centurio Christum ipsum salutauit, dicens, *Domine non sum dignus vt intres sub tectum meum.* idque Historici tui scriptis suis posteritati commendarunt.

Cum Danis Regibus Franciæ Rex ab-

Relatio An-
uerpia im-
pressa per
Joan. More-
tum. ann.
1604.

hinc ducentis annis à maioribus suis contractas fouet & amicitias, tu Regem Danum parentem, affinem, socium, & amicum vocas, & Principem foeminam stirpis tuæ, eius filio in matrimonium collocare voluisti; Rex Fræcus duas Calvinistarum ciuitates Sedanum & Geneuam defendit & protegit, tu tuique VVitrenbergam, in qua Luterus ille postrema belluarum exteradum suam doctrinam propalauit & disseminauit. Tunc illo innocentior, quem vile caput & nequam demonis mancipium, teque eius exemplo diris omnibus deuouendum, regno spoliandum & de medio tollendum censet, ex sua, sed non ex Theologorum tuorum sententia. Etenim viri doctissimi & solertissimi non ignorant, societates armorum non intuitu religionis, sed defensionis aduersus hostem communem quisquæ ille sit Tros Rutulusne fuit fidelibus populis & Principibus cum infidelibus esse honestas & licitas, nulloque iure neque diuino neque humano prohibitas. Immo à summis viris & omni veneratione dignis sæpius vsurpatas tam sub lege

naturæ quàm scripta & Euangelica.

Genes. 21.

Abrahami quem patrem credentium Christiani omnes agnoscunt foedus ictu cum Abimelecho rege Palæstinorū & Phicol exercitus eius principe, quo sacris etiā adhibitis iuravit se nec illi nec posteris & eius stirpi nociturum, Deus non improbavit, nec ideo magnum illum & fidelem suum Patriarcham minus gratum habuit. Erant nihilominus illi quibuscum foedus percusserat ambo infideles & idolorum cultores. Idem

Genes. 14.

etiam fidelium Princeps & parens cum Aner & Eschol Amorrhæorū regulis, foedus inire non dubitavit, nec cum eis socia arma iungere contra Chodorlahomorem Regem Elamitarum, quorum auxilio regem illum cum exercitu suo ad unū vsque cæcidit, qua parte victoria eisdem regulis atque eorum militibus seu victoriæ socijs prædæ partes licet infidelibus assignavit. Pulsus regia Saulis, David & soceri regis insidijs appetitus, ad Achim Regem idololatram cōfugit, foedus iniit & amicitias contraxit, ipsique aduersum Israëlitas bellum gesturo adfuit, & auxiliares co-

pias adduxit. *Et Satrapa quidem Philistym*, inquit scriptura, *incedebant in centurijs & millibus. David autem & viri eius erant in nouissimo agmine cum Achis*, pro eo utique rege infideli aduersus fideles decertaturus, pro amico & socio aduersus socerum, ni Ducum Achis & Satraparum eius diffidentia vel inuidia obstitisset eumque castris discedere inuitum coëgisset. *Quid, inquit, feci & quid inuenisti in me seruo tuo à die qua fui in conspectu tuo usque in diem hanc, ut non veniam & pugnem contra inimicos domini mei Regis.* En ipse Hebræus & circumciscus David socij Regis licet infidelis & incircumcisi hostes, Hebræos nempe & circumcisos, suos habebat & nominabat hostes. Idque iure & non iniuria factū ab eo doctores affirmant, quæ de re nec à Deo fuit redargutus aut reprehensus. Pactum fecerat cum Gabao-
 nitis infidelibus, Iosué eosque in medio populi Israëlitici habitare sinebat. at
Saül, inquit scriptura, voluit percutere eos zelo quasi pro filijs Israël & Iuda, gratum existimans se facturum Deo. Inde grauis per totam Iudæam fames iniuriæ

1. Reg. 29.

2. Reg. c. 21.

infidelibus socijs à fideli Rege illatam zelo vindicante numine & filios Saülis pro piaculo ad necem exposcente. Septem ex eis infantes licet crucifigendos tradit Gabaonitis, rex mitissimus, ita Deo iubente, & reddita Iudæis fertilitate gratum id sibi apprimè fuisse testante. Ita Deus foedus cum infidelibus populis factum à populo fideli non improbavit, quinimmo violatum seuerrissimè vindicavit. Eidem regi fidelissimo Daud erat admodum stricta cum Hiram rege Tyri necessitudoq, quam Salomon legatione ad eum missa diligenter post patris obitum coluit, ac de nouo percusso foedere confirmavit. Et quod mirum magis, eidem regi idololatræ pro lignis cedrinis & alijs pretiosioribus materijs ad templi constructionem ab eo subministratis, viginti oppida in terra Galilææ dono dedit, & ditionis eius esse permisit, fideles populos regi addicens & subijciens infideli, quod hodie facinus tam grave existimatur, etsi Pontifex Romanus pro pace toti orbi reddenda, & omnium Christianorum salute cōservanda id factum

esse concefferit aut diffimulauerit, & non pro totis viribus impedierit, cōtinuò hereticus & abdicandus censeatur. Familiare fuit Iudææ regibus cum vicinis regibus idololatræ societates inire & fœdera iungere, eorumque auxilia aduocare, vt illatas sibi à regibus Israëlitis iniurias vel depellerent aut ipsi inferrent. Certum est tamen in regnis Israël maximam fidelium Iudeorum, & qui genu ante Baal non curuauerant, multitudinem ipso teste Deo semper fuisse, aduersum quos Syriorum & aliorum sibi confœderatorum copias armabant reges Iuda, non abnuente numine.

De Aza rege Iudææ, testatur scriptura quod fecerit rectum ante conspectum domini, sicut Dauid pater eius. Ille tamen Rex adeo pius & deuotus, cum æmulus eius Baasa rex Israël arcem ædificasset in Rama, *vt non posset quispiam egredi vel ingredi de parte Aza regis Iuda*, legatos misit Damascum ad Regem Syriæ, dicens, *fœdus est inter me & te & inter patrem meum & patrem tuum, ideo tibi misi munera argentum & aurum,*

3. Rég. c. 15.

Et peto ut venias, Et irritum facias fœdus quod habes cum Baaza rege Israël Et recedas à me.

1. Machab. c. 8.

Quid referam fortissimos illos & zelantissimos Duces & Iudeorum Reges simul ac Pontifices Maximos fratres Machabæos Iudam, Ionatham & Simonem, qui Romanorum tunc Ethnicorum & infidelium amicitias magna ambitione exquisierunt. Verba fœderis hæc sunt. *Si institerit bellum Romanis aut socijs eorum auxilium feret gens Iudeorum prout tempus dictauerit corde pleno. Similiter autem & si genti Iudeorum acciderit bellum adiunabunt Romani ex animo.* Cum Spartiatis quoque seu Lacedæmonijs fœdus ab Onia summo sacerdote initum, Ionathas item rex & summus sacerdos renouauit, cuius ad eos hæc sunt verba. *Nos cum nullo horum indigeremus & habentes solatium sanctos libros qui sunt in manibus nostris, maluimus mittere ad vos, renouare fraternitatem & amicitiam, ne forte alieni efficiamur à vobis, multa enim sunt tempora ex quo misistis ad nos &c.* memores sumus vestrum in sacrificijs quæ offerimus. Quid por-

1. Marc. c. 12.

ro Iudæi pro Ethnicis illis gentibus à Deo petebant, nisi vt illis prospera cuncta euenirent, hostes superarent, & vt quietè & tranquillè intus forisque degerent. Numquid ijdem etiam Iudæorum reges & summi sacerdotes, Demetrium Syriæ regem ab Antiochenis subditis suis iam pene oppressum, missis ad eum fortissimis Iudæorum copijs maximo & imminenti periculo liberarunt, Antiochenis ciuibz penè ad internecionem deletis. Idem profecto laudabiliter & sine vlla cuiusquam reprehensione factitarunt pijsimi quique Imperatores Christiani, inter quos Theodosius ille Magnus gentilis tuus, nam hunc Hispania Romanis Imperatorem dedit, qui cum Athanarico Rege Gotthorum Pagano & Christianorum persecutore foedus inire non dubitauit. Quodque magis in Christiano mireris Imperatore, hunc idololatram Regem Constantinopolim ad se vt veniret inuitauit, venienti obuiam processit, mortuum ibidem ritu gentilitio ambitiosissimis exequijs sepeliendum curauit cum Gotthis infidelibus conti-

*Marcellin.
in Chron.*

*Ammian.
lib. 27.*

nuato foedere. Idem fecit eius filius Arcadius Imperator religiosissimus, qui cum Gayna Gottho Ariano foedus non solum iniit, verum etiam exercitus sui Praefectum instituit. Et quod incredibile esset, ni quotquot eorum temporum scriptores testatum reliquissent, idem religiosissimus Imp. cum se mori cerneret, inquit Paulus Diaconus, videns Theodosium filium paruulum esse, consideransque ne à quoquam infidijs peteretur, ei curatorem per testamentum fore statuit Isdegerdem Regem Persarum, cum quo Romani Imp. foedus habebant, ait Socrates, quod felicissimè cessit: nam & Isdegerdes pupilli curam suscepit, eique Imperium conseruauit. Atqui Theodosio quidem Imp. Thessalonicensium caede perpetrata legimus à beato Ambrosio sacris interdictum; quinetiam Arcadium Imp. ob illatam S. Chryostomo iniuriam ab Innocentio Papa communionem priuatum nouimus. Sed quod vterque cum Regibus & Principibus paganis aut haereticis foedus habuerint à nemine video reprehensos ne, leuiter notato

*Paul. Diac.
b. 3.*

*Soc. lib. 7.
c. 8.*

notatos quidem. Noucrant quippe viri sapientissimi Pauli verum esse axioma illud, non quod spirituale primum, sed quod animale: cum autem id quod animale, tum verò id quod spirituale religionem ita salutis publicæ coniunctam quomodo animam & mentem corpori, publicæ salutis ante omnia consulendum, etsi non supra omnia, si religionem ipsam qua nihil est preciosius factam tectam velis. Inter pacis artes religionem esse præcipuam, pacem non nisi bello parandam, bellum armis gerendum, arma imbellia quæ nullis sociorum opibus & auxilijs starent. Socios in rebus ciuilibus non ad dogmata tuenda, sed ad corpora defendenda comparari: non eorum argumenta, sed arma requiri, nec qui in disputando acriores: sed qui in bellando magis strenui, eorum foedera & societates expeti. *Audiuit Iudas, inquit scriptura, nomen Romanorum quia sunt potentes viri-* bus, non quod in disceptando acuti & Hebræorum dogmatum periti. verbi gratia, Olim cùm Angli cauillationibus & sophismatis Pelagianorum hæ-

*1. Machab.
1. 8.*

*Bedadere-
bus Anglo-
rum.*

reticorum resistere per se non possent, ad Gallos Episcopos confugerunt, eorum implorantes auxilia; missi ad eos Germanus & Lupus Catholicorum dogmatum propugnatores acerrimi, qui vim illatam Anglorum mentibus propulerunt, Pelagianos fuderunt, amicos & socios ea peste liberarunt, in religionis causa religiosas copias & fidei tessera sibi coniunctas accire necesse esse iudicarunt. Cum verò à Pictis vel Scotis & Danis & à vicinis nationibus oppressi imminentem ceruicibus suis perniciem propellere se non posse senserunt, tum verò non iam ad Episcopos Gallos, sed ad Romanos Duces recurrunt, eorum socia arma petentes. Tanti interest vtrum reipublicæ an religionis causa agatur. Vtrum hostis animum petat vel corpus. Si prauitate dogmatum hæreticus Catholici mentem alicuius tentet perdere, is profecto non hæretici alterius, sed Catholici Doctores opem debet implorare. Si cuius corpus & vita appetitur; sufficit, si hominem in auxilium vocet. Et qui vim sibi inferentem necat, non Chri-

strianum trucidat, sed hostem. Illud etiam à natura docemur, nullius opem refugere vel protectionem. Ouis mitissimum animal & mundum, cui se Christus etiam similem fecit, & voluit nominari & quod in mysterijs nostris Christianos designat; ad arcendam luporum in se feritatem & sæuitiam à canum immundorum animalium custodia non abhorret. Nulla vitæ tuendæ ratio est inhonesta & illicita aduersus latronem publicum, quamuis Catholicus ille sit omnes iure arman- tur Christiani & alij. Nec enim quâ Catholicus est timetur, sed quâ hostis publicus & latro, nec quâ Mahumeta- ni aut infideles, hunc aduersus in auxi- lium aduocantur, sed quâ homines, so- cij, vicini & communium iniuriarum propugnatores.

Atque hæc est communis Theolo-
 gorum tuorum, ô Rex, sententia quam
 acriter tuetur Cartagena, cuius hæc est
 assertio. Principem Christianum tuta
 conscientia infideli alicui auxilium fer-
 re posse aduersus alium Principem
 Christianum. Quinetiam Papam ip-

*Carthag.
 propugn. Ca-
 tholicum de
 iure belli
 summi pon-
 tificis Rom.*

Disput. 112.

sum infidelium copijs & militibus iura Ecclesiæ & libertates tueri posse aduersus quoslibet impugnantes. Idque probat exemplis Abrahæ, Daudis, & Imp. Caroli V. Maiestatis tuæ atavi, qui Lutheranorum copias aduersus Francorum Reges eduxit. Et quia Carolus id fecit, id iure fieri posse confirmat.

Idem etiam asserit Petrus de Lorca Complutensis doctor Principi Christiano licere infidelium armis iura sua tueri & defendere, & ad Iosaphat exemplum quod ipse sibi obiicit, respondet, non ei fœdus cum infideli percussum, sed diffidentiam suam in Dei auxilium noxæ fuisse. Euolue, ô Rex, Catholice, annales tuos, & vt Assuerus alter, si tibi aliquando noctem insomnem ducere contigerit; iube tibi afferri historias priorum temporum & te præsentem legi. Audies profecto maiores tuos Catholicos alioqui principes, ita delicatam non habuisse conscientiam, vt quoties è re sua esse iudicauerint, Maurorum, Saracenorum, Paganorum, & hæreticorum amicitias & societates expetere aut illos tueri,

aut ab illis defendi, ab huiusmodi sceleribus abhorruerint. En tibi Ioan. *Ioan. Mari.*
 Mariana Societatis Iesu pater religio- *lib. 7. c. 6. 7.*
 sissimus & historicus, iure meritoque *19. & lib. 8.*
 tuus, exempla tibi non poenitenda sug- *c. 8 & lib. 9.*
 geret. Aurelij Hispaniarum Regis &
 Froilæ occisoris, qui cum Saracenis &
 Mauris foedus inire non dubitauit, nec
 eis centum virgines Christianas quo-
 tannis tributi nomine pendere. Quod
 postea ita est moderatum sub Maure-
 gato Rege, vt ex eis virginibus quin-
 quaginta nobiles & patritiæ, aliæ quin-
 quaginta plebeia penderentur. Tur-
 pissimum hoc, sed honestati, vtilita-
 tem publicam debere præferri Princi-
 pes prudentissimi semper censuerunt.
 Quid quod anno 984. pro Mauris ad-
 uersus Regem Legionis magno Chri-
 stianorum exercitu pugnatum est?
 Quid quod anno 1035. Ramirus Rex
 Aragonum Mauris opem ferentibus
 aduersus Garziam fratrem suum Na-
 uarræ Regem bellum gessit acerrimum?
 Quid quod infidelium opibus
 adiutus Castellæ Rex Sancius auuncu-
 lum suum Aragonum Regem sedibus

suis expulit ? Quid quod Alphonfus il-
 le Astrologus qui vt Momus alter cor-
 poris humani & totius mundi fabricam
 imperitè à Deo factam arguebat , à
 Sancio filio Maurorum Granatensium
 auxilio , regno & sceptro fuit spolia-
 tus ? atque ipse numerosum Mauro-
 rum Afrorum exercitum contra filium
 euocauit ? Quid quod anno 1238. Ro-
 dulphus Abspurgi Comes proſapiæ
 Auftriacæ progenitor & primus ex ea
 tunc humili domo factus Imperator,
 cum Ottocaro Bohemiæ Rege , bellū
 gerens , decem millia Comanorum , hoc
 est Tartarorum infidelium in exercitu
 ſuo habebat, qui, vt Germanicarum re-
 rum ſcriptores teſtantur , Chriſtianos
 captiuos ad paganifſiam, ita loquuntur,
 trahebant. Sicut modò exercitus tui,
 ô Rex Catholice , Coſaccis & Lute-
 ranis vt plurimum conſtant, quorum
 barbaries effera ſacris, nec locis, nec
 perſonis vllis parcit ; ita vt Chriſtiani
 populi, Catholicum illum tuum exer-
 citum plus exhorreant quàm Turci-
 cum. Tot ruinae , tot incendia , tot
 Eccleſiarum direptiones , tot inſon-

tium neces, sacrorum vasorum direptiones, tot supplicia, tot latrocinia, cædes, vastationes à feris istis & immanibus rerum humanarum & diuinarum contemptoribus orbi Christiano nuper illata. Sed quid veterum temporum annales percurrimus, cum nuper Philippus II. auus tuus, cui sapientis cognomen iure merito inditum, Turcarum amicitiam & societatem ambiciosissime circa annum 1591. & 1592. per Nogerum Marillanum Mediolanensem expetierit, corrupto etiam pecunia Regis Christianissimi ad portam Oratori Lancomio, qui prodicionis suæ poenas luit meritissimas nec nihil non quandiu in viuis fuit, tentauit, vt ad eam societatem excluso Rege æmulo perueniret? Quid quod Maximilianus Imperator propinquus tuus anno 1576. Polonis infensus quòd alium Regem quàm se elegerant, cum Regibus Dano & Suedo Ducibus Saxonico & Moscouitico hæreticis omnibus aut Schismaticis mutuò, coniurauit, non vt se suosque tueretur, sed vt priuatas iniurias vlcisceretur, ac de natione

*Cardin. Dof-
satus in
epist.*

*Compend.
hyst. r. uni-
uersale per
Nicol. Do-
glionem Ita-
lum.*

Christianissima immeritas poenas exigeret & suppliciū vastatione sumeret.

Quid quod Carolus V. Imperator fortissimus atavus tuus toties cum hæreticis Luteranis Germanorum proceribus, toties cum Regibus Mahumetanis amicitias, societates & fœdera iunxit, coluit, exercuit, quoties id rebus suis vtile esse iudicavit? Quid quod novo Iberopoliticæ Theologiæ inuento, per illud interim suum celeberrimum Germanicis hæreticis pacem insperatam reddidit, atque ex locis aut vrbibus plusquam quater millibus Catholicæ Religionis exercitia sustulit, Luteranorum induxit. Qui Franciæ bellum inferens aut Italiæ, robur militiæ eius, potissimum Luteranis, constabat quas legiones suas nigras appellare consueverat. Qui Federicum Saxonie Ducem non quod Christi, sed quod eius hostis suo patrimonio & dignitate spoliavit, nec ~~pro~~ Catholicum ducem & Electorem quod ei si libuisset, licuisset, suffecit, sed Luteranum alterum Mauritium, scilicet amicum vnum fidissimum. Qui classe pontificia adiutus

bellum contra Ariadinum Barbaros-
sam mouit, vt, illo depulso, Muleasium
Mahumeranum redintegraret, tributo
ei imposito, religione neglecta. Qui
Augustanæ Confessionis ministros ali-
quos, non quòd Christi aut eius in ter-
ris vicarij gloriæ, sed quòd dignitati
suæ & Cælareæ Maiestati detraherent,
sæpius vindicauit, pulsus illis, qui in eum
maledicta iacerent, subrogatis alijs, qui
Christo blasphemarent. Qui Henrici
VIII. Anglorum Regis amicitiam &
societatem tunc expetiuit, cum Ponti-
fici infensus à Catholica fide defecerat.
Vide, ô Rex, quemadmodum maio-
res tui Reges Catholici, reipublicæ
semper quàm religionis fuerint magis
studiosi, & Pontificum Romanorum
fulmina, vbi de summa reip. agebatur,
parum exhorruerint: atque vt Germa-
nis Imperatoribus eorum iura & supre-
mam dominationem autoritate Pon-
tificia labefactare conantibus strenuè
resisterint, aduocatis etiam Maurorum
auxilijs. Illud te Mariana neruosus hi-
storicus egregiè docebit. Henrico, in-
quit, II. Imperante, Conuentus Tu-

ronis habitus, in quo Hērici legati questi sunt Regē Ferdinandum cōtra morem maiorum & legum præscripta facere, qui se Imperij Romani iure exemptum ferret & incredibili arrogantia & leuitate in ipsum Imperij nomen inuaderet, & sacrificijs ex ritu Christiano Hispaniā interdicendam, Regisque insolentis caput diris execrationibus designandum. Re deliberata Victor Papa pronuntiavit Henricum (CVIVS REBVS VT FAVERET NATVRA COGEBAT: ERAT ENIM NATIVS SVEVVS) videri æqua postulare. Missi legati Ferdinandum VERBIS PONTIFICIS & patrum monuerūt, vt Imperio deinceps satisfaceret, & Imperatoris nomine abstineret, quòd neque legibus, neque auspiciato desumpsisset, dira omnia nisi continuò pareret comminati. Ferdinandus Concilium cogit. &c. variæ dictæ sententiæ. Pars ~~que~~ (QVORVM RELIGIONE ANIMI TACTI ERANT) obtemperandum iudicabant, ne Pontificem & Patres in suum caput ifritarent. &c. Pauci VIRTVTIS PRISTINÆ

MEMORES) iugum Hispaniæ imponi
 grauissimum si morem gererent dispu-
 tabant : quod ceruicibus admillum
 haudquâquam excuti posset , PRÆ-
 STARE IN ACIE MORI, omnesque
 acerbitates pati, quàm tanto malo &
 indignitate remp. implicari. Roderi-
 cus Diacius rogatus sententiam, NE-
 GAT CONSILII REM ESSE AR-
 MIS DEFENDENDVM, QVOD AR-
 MIS ERAT PARTVM : At diffici-
 le est Imperatoris conatibus resistere,
 ROMANI PONTIFICIS IVSSIS NON
 OBTEMPERARE, VERVM INFIR-
 MI ANIMI EST PRO BELLI TI-
 MORE INCERTO CERTISSIMIS
 MALIS REMP. IMPLICARE. &c.
 Mihi stat sententia, armis susceptam à
 maioribus libertatem tueri aduersus
 omnium hominum conatus, hocque
 ipso gladio defendam : PATRIÆ PRO-
 DITORES ESSE NEQVISSIMOS
 QVICVMQVE AVT INEPTÆ RÊ-
 LIGIONIS SIMVLATIONE, aut
 præposteræ cautionis specie diuersum
 consilium dabunt, &c. Aduersus Impe-
 ratorem numerosus conflatus exerci-

tus, &c. ADIVNCTAQVE MAV-
 RORVM AVXILIA. Putas Mariana
 vituperat factum? Immo inquit, *Tan-
 tum plerumque præsidijs rebus communibus
 in unus viri virtute & prudentia situm
 est.* Præterea inquit, *Romani Pontifices
 Hispaniam sibi vœtigalem reddere cogita-
 runt, vii argumento sunt litteræ Gregorij
 VII. ad Reges, Comites ceterosque Prin-
 cipes Hispaniarum in confirmandæ antiquis
 temporibus observatum priùsq̃uam à Mau-
 ris Hispania esset eversa.* VERVM IIS
 CONATIBVS NIHIL ESSE PER-
 FECTVM, AC VERO PARI ANI-
 MORVM CONSTANTIA ITVM
 OBVIAM, *rerum euentus declarat, re-
 tentia semper à nostris immunitate.* Ni-
 mium ergo ~~caudex~~, stipcs, asinus plum-
 beus est iste pseudotheologus admoni-
 tor, qui dum Maiestatì tuę fauere studet
 in Rege Christ. damnat tua tuorūque
 consilia & facta, nisi forte ea mente id à
 se factū dixerit, vt si forte tam facilem
 Regis Christianissimi animum offen-
 deret, vt se suadente Turcæ Imperato-
 ris portā desereret, tu, Rex Catholice,
 yacuam occupa. Si Grifios & Helue-

tios veteres suos socios derelinqueret; tu Vallem Tellinam & populos eis subditos tuæ ditionis facias. Si Sabauda Duci opem non ferret, tu Principem illum cognatum & affinem tuum Pedemontio spolias. Si Venetos quos impios & Atheos esse prædicat, destituerit; tu ciuitates illorum mediterraneas expugnes. Si Anglo & Dano cæterisque Germaniæ proceribus nuntium miserit, tu vndique Franciam arcibus cingas atque in illam Cyclopi gratiam & beneficium exerceas, eam scilicet deuorando, sed postremam.

Verum hanc Theologo mentem fuisse non suspicor, Gallus est ut ipse profitetur, & Hispanici supercilij exor; itaque quod credibilis est in te, ô Rex Catholice, stylum suum acuit, & dum Regem Christianissimum affinem tuum excommunicatum & ministros tuos excommunicatissimos pronuntiat, aduersum te tuosque Consiliarios fidissimos & prudentissimos fulmina *Botterus in apophreg.* prouocat. Magno certè illi viro quondam Antonio Læuæ atavi tui Caroli V. Consiliario detractum esse vult ma-

lignus iste admonitor. Cui quum illi consilium danti vt primoribus Italarum Principibus obtruncatis vacuas eorum terras occuparet, Imperator nimium religiosus respondisset, anima verò quid subito subiunxit, At si animæ, ô Imperator, cura te angit, Imperio tuo te abdica! Ille profecto Gondemarum Comitem damnat fidissimum illum Consiliarium tuum, qui se adeo infelicem prædicauit, vt matrimonij vnus nec conciliator bonus esse potuerit, nec alterius disturbator. Qui nullum non mouet lapidem vt te cum Anglo conciliet, qui si pro te, *flectere non possit superos Acheronta mouebit*. Alios item prudentissimos & Iberopoliticæ Theologiæ peritissimos, qui per Monachos & Iudæos Turcam Maiestatî tuæ Catholicæ coniungere nituntur. nec aliud in animo habent quàm tibi orbis Imperium etiam religionis interitu mercari; quorum voces hæ sunt. Si violandum est ius, regnandi causa violanda est, cæteris rebus pietatem colas. Qui Summi Pontificis animum obsident & eius fulmina tum spiritua-

lia tum materialia ptouocant, non, vt fontes feriant, sed potentie tue nimium in perniciem aliorum excreſcentis aduerſarios & hoſtes. Quem non principum Chriſtianorum parentem eſſe communem volunt & arbitrum, ſed ambitionis tue miniſtrum. Qui ſibi ipſi & ſucceſſoribus ſuis catenas & compeſes auro ſuo cudere præcipiunt, vt in Vaticano velut in ergaſtulo incluſi in nulla realia laborent quã quæ Monarchis Hiſpaniarum placuerit, vtque non iam Summi Pontificis, ſed Regis Hiſpani ſint, vt loquuntur ſimplices Capellani. Tanti non intereſſe Gallias, Venetias, Allobroges ab Eccleſiæ unitate & cõmunione ſeparare, quãti Valis Tellinæ incolas Catholico dominio adiungi & accreſcere.

Hanc verò fuiſſe mentẽ impoſtore illi pseudo Gallo Theologo quis non videat, dum ita graphicè Cõſiliarios tuos depingit, vt non ſit ouum ouo ſimilius, quàm ea quæ de Regis Chriſt. Conſiliarijs in medium profert, ſi ad tuos referantur quibus ab antiquo & vapore quodam ſiderum innatum eſt, vt ait.

*MAN. l. 8. c. Mariana, nulla re minùs moueri quàm
20. l. 12. c. 13.
l. 6. c. 5.* religionis studio, & quibus eodem auctore teste, optimum semper visum est religionis prætextum, quo nihil in speciem est fallacius obtendere.

Quis enim tam veruex vt ea de Regis Christi. Consiliarijs credat quæ plagiaris iste illis affingit, Illius, inquam Regis qui religiosissimos viros Societatis Iesu patres à teneris pueritiæ annis conscientiæ suæ directores habuit? qui omnia ex nutu & consilio Illustrissimorum virorum S. R. E. Cardinaliũ, quos consilij suis secretioribus præfecit, operatur & agit: qui viros spectatissimæ virtutis & fidei & zeli ardore erga religionem Catholicam probatissimos vndique conquisiuit, quibuscum administrationis publicæ onera partiretur, quibus auctoribus. Rex ille iustissimus & obseruantissimus æqui, hæreticorũ res non sine vitæ suæ & omnium fortunarum periculo & discrimine in tota sua ditione tam vehementer afflixit vt iam desperatæ videantur. Quis regem tam Christianum & sine Maiestatis tuæ præiudicio Catholicum, hæreseon fauorem,

rem, defenforem, propagatorem & Catholicæ religionis oppugnatorem, vt grauiter nugator iste maledicus mentitur, vel leuiter suspicabitur: qui in ea ætate quæ ludis & puerilibus oblectamentis aptior, non solum Regis, sed etiam Ducis exercituum personam, tam foeliciter quàm fortiter iustinit, vrbes & arces munitissimas plùs minùs ducentas expugnauit, hæreticos vndique sedibus suis expulit, ac duobus prælijs ingentibus terra marique profligauit, prouincias integras illis eripuit, Catholicæ religionis exercitia vbique instaurauit, contrariæ sustulit, Ecclesiasticos in bona sua ab hæreticis abhinc annis 60. occupata & detenta redintegrauit. Episcopos vbi-
cumque à Calvinistis eiectis, sedibus suis restituit.

Atque hunc tamen tanto Christianæ rei augendæ & amplificandæ studio & zelo incensum, impostor ille talem mentitur qualem Antichristum fore verè aliquis dixerit qui res hæreticorum & infidelium vbique promouere, fidem & religionem vbique gentium abolere. Episcopos Catholicos per omnem

Germaniam sedibus suis pellere, Caluinistas vel Luteranos in eorum locum subrogare. Imperatorem in ordinem redigere, Gaborem Imperatorem pronuntiare. Bauarum patrimonio suo spoliare, Palatino possidendū tradere satagat & procuret. Totum dixerat si quod ataus tuus Catholicus Imperator Carolus V. fortiter gessit, Philippus II. illius aquilæpullus non digener tentauit & aggressus est, id quoque Regem Christianissimum facturum esse dixisset. Romam videlicet vi capturum, urbem orbis Metropolim & fidei Catholicæ arcem Luterano militi diripiendam traditurum. Deo sacratarum virginum florem, matronarum castitatem, viduarum pudicitiam rapturum, polluturum, violaturum. Ecclesias, Monasteria, Xenodochia deprædaturum, Clerum omnem ludibrio habiturum, laicorum ad nouem usque millia trucidaturum. S. R. E. Cardinales alios occisurum, alios contumeliosissimis iniurijs & probris affecturum, & quod malorum vltimum est, Papam ipsum & Christi Vicarium incarceraturum, nec nisi ingenti pro eius

redemptione accepta pecunia liberaturum. Hæc fecit Carolus V. Imperator, nec alia ratione sedi Apostolica tam atrocibus iniurijs & damnis nunquam sat deflendis affectæ satisfecit, quàm quod religiosus princeps dies aliquot pullatus incessit. Cæterum, ut ait Sandouallus, ob talem ab exercitu suo partam Romæ victoriam admodum est lætatus. Idque ipse Regi Anglorum per literas testatus est, hæc merito Papæ contigisse, quia Regis Franciæ partibus faueret, quod si Pontifici Cardinalibusque parum feliciter ea res cecidisset, ipsos sibi imputare debere, iusto Dei iudicio illud accidisse. Verum ut ego quidem arbitror, ô Rex Catholice, diuina Nemesis hanc vicario suo vrbi-que fidei Metropoli illatam iniuriam haud inultiam abire passa est. Nam quod Pontifici aurum ereptum, inde euenit ut postea tota Hispania tam auri inops fuerit, ut alibi nusquam sit rarius, & quod classes Indicæ copiosissimum deferunt Hispania tantum delibet, verum Genuenses focneratores absorbeant, Galli negotiatores exsu-

gant, Belgici milites profundant. Quod verò Arausicano principe Belga, Imperialis tum exercitus Duce, Roma barbaro more vastata est & direpra: inde iusto Dei iudicio contigit, vt eiusdem principis posteritot Hispanis damna intulerint, Belgio illis autoribus rebellato, & in rempublicam Democraticam ita potentem constituto, vt cum ea, ô Rex, non aliter quàm cum alijs regibus & supremi dominij principibus per tuos Oratores & Legatos agendum tibi sit & tractandum. Ita Hispania tua auro & milite exhausta ad omnes aggredientium patet insultus. Contra verò quod Francorum Reges Christianissimi, sedi Apostolicæ tam deuoti & submissi fuerunt, quòd eam tot opulentijs patrimonijs auxerunt, quòd eam tam alacri animo & impigra sedulitate, necnon incredibili fortitudine, ab oppressionibus tyrannorum & vexationibus hostium vindicarunt, quòd obsessos vel carcere detentos Pontifices summos toties missis exercitibus liberarunt, & sede sua pulsos tam benignè receperunt, quàm fortiter restituerunt. Inde illis, primogenitorum

Ecclesiæ iura attributa; inde illis per mille & ducentos annos sine interruptione continuatū imperiū; inde illis domi pax, foris triumphus. Inde illis, Christianissimorum, Piorem, Magnorum, Parentum patriæ, Sapientum, Sanctorum, Iustorum cognomina, & si aliquis fortè inertis & otiosi cognomen, numquam cerrè crudelis audiuit.

Bonum factum, Quirites, quod Urbanum Pontificem sedes Roma Petri habeat, pastorem vigilantissimum eximijs animi & ingenij dotibus præditū, scientijs omnibus adamussim vsque excultissimum, sapientia & magni animi robore præstantem, cui verba facere fallax & fucata pietas & religio tam non potest, quàm inania minarum terribilia timorem & terrorem incutere, prudenti ad discernendum, constanti ad resistendum. Cuius annulus non alienæ voluntatis minister, sed index suæ. Qui fulmina Ecclesiæ non ad impetum furiosi alicuius instigatoris in filios, in amicos, in socios, & religionis intuitu sibi subditos temerè iaciat; sed maturo iudicio & consilio, & post mitiora incassum tenta-

ta paternæ correctionis experimenta in
 perditos & fontes , & pacis publicæ &
 totius orbis Christiani perturbatores, &
 antiquorum Ecclesiæ patrimoniorum
 derentores & vsurpatores. Ne dubites,
 ô Rex Catholice , tam grauis Pontifex,
 admonitoris illius, immo rabidi illius ca-
 nis, latratus, îpernet, nec aut affînē tuum
 Regem Christianissimum , quòd cum
 Turca innocentissimum & toti Chri-
 stianitati commodissimum fœdus fo-
 ueat , quo in Oriente stat, quicquid Ca-
 tholicæ vnionis est reliqui, Legatis re-
 gijs Nuntiorum Apostolicorū munere
 per Orientem defungentibus , vt sæpe
 Romani Pontifices agnouerunt & præ-
 dicauerunt, ac Regi Christianissimo per
 oratores suos gratias egerunt ; nec te
 quod cum Persa ; non illum quod cum
 Anglo & Dano societatem habeat , nec
 te quod cum Calcuti & Indicis Regi-
 bus, non vt melius, sed vt delicatiùs Chri-
 stiani viuant aromatum commercio;
 non illum quod aliquot Germanorum
 procures Caluinitas ; nec te quod toti-
 dem vel plures Luteranos protegas: ideo
 te & illum excōmunicatos esse pronun-

tiabit , quemadmodum trifurcifer ille
 cōminatur , & quod Ithacus velit & ma-
 gno mercētur Atreidæ : illi inquam mi-
 nistri Calumnix Galli , Hollandi tui.
 Nouit sapientissimus Pontifex huiusmo-
 di fœdera , nullo religionis detrimento ,
 magno regnorum & totius reipublicæ
 Christianæ adiumento , à regibus & prin-
 cipibus Christianis inita & culta. Hæc
 pondera sunt rerū publicarum , quibus in
 æquilibrio stant regna & imperia , his su-
 blatis alia nimium eleuari , alia nimium
 deprimi , hoc est sursum deorsum ferri
 rempublicam Christianam. Ita Clemens
 VII I. sapientissimus & religiosissimus
 Pontifex iudicauit. Qui cū Henrico *Cardin.
 Dissatus
 in ep.*
 IV. nuper ad fidem Catholicam con-
 uerso , & absolutionem à Sanctitate sua
 flagitanti , auus tuus Philippus II. nego-
 ciū facesseret , & quibus poterat artibus
 illum ab Ecclesia alienum esse vellet , at-
 que huius quidem animam Sathanæ ,
 regna verò sua esse Catholico zelo cu-
 peret , fœderibus cum Anglis , Hollan-
 dis & alijs non Catholici dogmatis , cri-
 mini ei datis ; prudentissimus Pontifex ,
 regem quidem admonuit vt ab huius

modi foederibus discederet, sed non coëgit. Cumque Rex id facere per oratores suos apud Sanctitatem suam se excusasset; Pontifex tamen pacem & communionem verè poenitenti & conuerso Regi non recusauit, hoc etiam addito responso. Quòd si bello & armis, vel quibuscumque Deo placeret, modis fieri posset, vt hæreses stirpitus auellerentur, id vero sibi fore gratissimum: cæterum si illud obtineri nequaquam posset, nunquam se à Rege conditiones iniquiores & nimium difficiles exacturum. Iam restat, ô Rex Catholice, vt ministri tui & Consiliarij, falsi alicuius zeli imagine & fucatae pietatis obtentu, plebibus Christianis illudere desinant, vt eas lasciuientes & verorum Dominorum obedientia desciscentes tuis regnis adiungant. Id enim Principes Christiani non ferent quos Ioan. Mariana historicus tuus admonet, *Impotentia atque imperandi auida ingenia Hispanorum, qui cum semel irrepserint, ad summam semper potentiam cunctis artibus contendunt.* Hanc auiditatem comprime, ne fortè alios deuorare festinans, tu teipsum strangules, & ne dum in im-

menlam

menſum extēdere te volueris, rumparis,
 & ne inhiās alienis perdas propria. Quò
 magis preſſæ vires, cò fortiores, has ni-
 mium ſi protenderis, ipſa extensione fa-
 tiſcunt. Quantumlibet creſcas, vicinos
 ſemper habebis, & cum totam terram
 poſſederis alios orbes quæres, nec enim
 vnquam exſatiatur habēdi cupido & ſi-
 tis. Tu tuis ergo contentus viue, & alijs
 vt idem faciant, non obſta. Non iam
 amplius Iacob, id eſt fratrum tuorum
 ſupplantator, ſed Iſraël voceris, hoc eſt
 vir, videns Deum, quem præter, non eſt
 alius Monarcha. Vide ne tui æmulū nu-
 men hābeas, quod ait, Gloriam meam
 dabo nemini, Zelotypum eſt & ſuperbis
 iracundum, *vidi crudeles dantem Salmo-
 nea pœnas.*

Sat, ô Rex Catholice, Indico ſan-
 guine litatum eſt, parce Chriſtiano, ta-
 les hoſtias numen auerſatur. Centies
 vices centena millia Indiana capita in
 mediterraneis regionibus, totidem ſer-
 me in inſulis, Satanae immolata ab Hiſpa-
 nis militibus, tradunt annalium tuorum
 ſcriptores. Caue ne à te idem de Chri-

Hispanis factum posteritas audiat. Sed vilem illum sanguinem armati milites tui ab inermibus corporibus hauserunt ferro & armis tam ad defensionem quam ad offensionem cōparatis sanguis Christianus munitur. Caue ne quæ de Indico sanguine, eadem mutato nomine de te fabula nārretur; de tuis inquam Hispanis. Nam qui alios adnecem petunt, ad mucrones aliorum ipsi sua corpora denudāt. Hollandia fortissimum quemque militem tuum exhaustit: Indicis regionibus tibi prospiciendum est, si eas fartas tectas velis. Allobrogum campos exercitus tui nuper impinguarunt. Anglorum classis regnis tuis imminet: hinc Danus cōfoederatis tibi Germanis: Inde Sabaudus, Veneti, & Heluetij Italicis tuis prouincijs. Neapolitanorum & Mediolanensium opes exhaustæ, atque (vt ait Mariana) assiduis & intolerandis tributis alienati, parati credi possunt ad nouandas res, vt innitum & pergraue Hispanici regni iugum excutiant. Vt omnes ex rerum desperatione facile defecturos appareat, si mitior & clemē-

tior qui dedentes recipiat, dominus offeratur. Auro Indico infidum est iter. Genueses fame pereunt. Itali principes, in quibus & summus Pontifex potentiam tuam quam metuunt oderunt: Bauaro multi portendunt imperium. Hispanici fastus populos satias tenet: His incommodis si quæ ex Francia oriri possunt adicias, non facile dici potest quàm inextricabilem in labyrinthum Dædali isti tui ministri res tuas cōijcient. Francia regnum est opibus & viris inexhaustum, vrbibus & arcibus munitissimum, ad alendos magnos exercitus glebæ fertilitate opportunissimum, ferro suo, auro tuo refertissimum. Adde quod Rex nunc ei regno, his viris imperat non otio deditus & voluptatibus immersus, sed à pueritia armorum exercitio duratus, exercitibus innutritus, victorijs assuetus, qui bello hostes, venatu feras assiduè insectatur, virtutis amans, vitiorum osor, quæ nec quidem noui ex nomine, & quæ boni summò pere delectantur, mali terrentur, omnes in officio continentur, iustitia specta-

tissimus. Hunc tu affinem habere malis
quàm hostem & tuis non inhiaturum
confide, si socijs eius & confœderatis sua
quemque habere & tenere per te tuos-
que non obstiterit. Rex in æternum
vale.

F. I. N. I. S.

